



Inatsisartunut ilaasortaq
Per Rosing-Petersen
Partii Naleraq

§ 37 nr. 057-mut akissut

Apeqqtigisannut qujanaq. Apeqqtinnut akissut aana.

Apeqqt 1. Oqaluttuarisaanermi kingumut qiviarutta nunarput annertusiartuinnartumik ilisimatusarfiullunilu qaammaasanik annertuupilussuarmik katersuiffiuvoq. Ukiut tamaasa ilisimatusariat amerlasoorpassuit, ilaat timmisartut arlallit assartuisuliullugit tikittarput aningaasarpassuit atorlugit ilisimatusarlutik.

Qanoq Naalakkersuisut tassunga tigussaasumik iliuseqarnissaminnik politikkeqarpat?

Naalakkersuisut ilisimavaat Kalaallit Nunaanni eqqaanilu ilisimatusarnerit ukiuni kingullerni qulikkaani annertusiartortut. Silap pissusaata allanngorneranut ilisimatusarnerni silallu pissusaata allanngornerata kingunerit pillugit suliniutit suli pingaartitarineqarput. Kalaallit Nunaanni ilisimatusarnernut suliartornerat Naalakkersuisut malinnaavigaat.

Naalakkersuisut National Science Foundation USA-miittoq suleqatigaat, kiisalu Danmarkimi ilisimatusarfiit arlallit suleqatigalugit. Naalakkersuisut Issittumi Siunnersuisoqatigiinni suleqatigiinnermi peqataapput Issittumi nunat akornanni ilisimatusarnermi suleqatigiinnerup ajornaallisarnissaa pillugu. Suleqatigiinnermi tassani qulakkeerseqassaaq Issittumi ilisimatusarnermi inernerit avitseqatigiissutigineqarnissaat. Aamma Japan Kinalu oqaloqatigineqarput ilisimatusarnermi suleqatigiinnissamat saaffiginnissutaat tunuliaqutaralugu.

Nunatsinni ilisimatusarnermik Siunnersuisoqatigiit pilersinneqarnerata aamma siunertaraa Kalaallit Nunaanni sunik ilisimatusartoqarnersoq tamakkiisumik ilisimalernissaa. Kalaallit Nunaanni eqqaanilu ilisimatusarnerit inernerit nalunaarsornissaat database-milu katersorneqarnerannut siunertaavoq, taamaaliornikkut ilisimasat tamanit, aalajangiisartunit minnerunngitsumillu qinikkanit iluaqutaalerumaarnissaat.

Inussiarnersumik inuulluaqqusillunga


Nivi Olsen

17-03-2015
Suliap nr. 2015-112743
All. nr. 1897629

Postboks 1029
3900 Nuuk
Oqarasuaat (+299) 34 50 00
Allak.: +299 32 20 73
Email: iiknn@nanoq.gl
www.nanoq.gl